

ME HYE ASE WƆ NYANKOPƆN NE DZIN MU, ƆDOMFO, MBOBƆRHUFO NO.

Fida Nyamesemka: Eboɔ 14, 2014.

(Friday Sermon – 14<sup>th</sup> March 2014 – Fante Translation)

## **NYANSAPƆW A ƆMA YEGYE ALLAH TO MU.**

Hazrat Khalifatul Masih kaa de adapen kakra a etwa mu no ɔdze ne Nyamesenka no gyinaa nsaker a ɔfa no nyee ho a ɔkyere mu de mbre Anohoba Mesia (ANN) daa Nyankopon edzi kyeree hen na ɔkyeree hen mbre yebefa akwan a yebanya Ɔdomankoma Niyimdzii na Ɔdomankoma do ɔnye mbenee a Anohoba Mesia (ANN) dze kyerekyeree hen, nsenkyeredze na anwanwdze a wɔdze maa Anohoba Mesia (ANN) no so ɔkaa no wɔ dem Nyamesenka no mu. Dem ntsi yi nyinara wɔ de wɔso hwe na wɔtse ase de mbre Anohoba Mesia (ANN) ne nsem kyeree etu kafo.

Nde Nyamesemka no mu no Hazrat Khalifatul Masih yii nsem bi fii Anohoba Mesia (ANN) n'akyerew na dza ofi n'nano famfa mu a ɔfa no dem kasapow yi ho no agye nkrataa pii na nde mfatoho kumaa bi na ɔdze mae a ɔfa no akwankyerɛ wɔ Ɔdomankoma nyimdzii ho. Nyankopon N'akomhyefo no ahotsewfo wɔ gyinabew soronko wɔ Ɔdomankoma nyimdzii mu, mbom Anohoba Mesia (ANN) kyeree mu kyeree mbre Muslimnyi ɔkohweaban ne gyinabew nye wɔ iyi ho.

Anohoba Mesia (ANN) no kaa de ɔdasanyi gyina ndzembra ebien do dze du Nyankopon nkyen. odzi kan nye ibeyi bon akwa na dza ɔtɔdo ebien nye ebeye Ndzeyee a ɔtene. De ibeyi bon akwa keke no nnye adze a ɔye soronko biara. Nokwar, ofi bir a wɔbɔɔ nyimpa yi ɔwɔ dem ndzembra ebien nyina wɔ no mu. Kor nye de pesemonkonya nka ma ɔye bon na afa kor so nye de ɔgya a ɔfi Ɔdomankoma no do mu taa nyimpa mu ma ɔhye wo nwura a ɔfir bon mu ba de mbre ogya a yehu yi ara so hyew nwura a yeye yia ara so. Mbom sumsum mu ogya ɔhyew bon no gyina Ɔdomankoma nyimdzii do osande ɔdo na adze wohuhuor no no ɔnye nyimdzii wɔ nkitahodzi. Se nnyim mbre a biribi si ye few na ndzembra pa a ɔwɔ mu nkɔhu huor adze kor no. Dem ntsi nyimdzii ɔwɔ adze a ɔye few yie ho no Ɔsorsor nyi Nyankopon N'abɔdzin ho, Ɔno a ɔye Ɔdomfo Mapo a ɔso No do ho ogya ma No do hyew bon. Mbom Nyankopon no kwan nye de dem nyimdzii wɔnam N'akomhyefo do dze ko hweaban ma nkorɔfo nya kan fi hon kan mu, se wɔka hon do a, wonya adze biara a wɔdze ama Akomhyefo no.

Anohoba Messiah no kaa so de o'esua nsɔrbasɔrba mu yie na ɔasesa mu ehu de dem mber yi Islam nkotsee na ɔbotum ama Nyankopon ne nyimdzii ada edzi wɔ mber biara mu. Ɔnam de ɔno nye Ɔsom kortsee a ɔwɔ nkɔmhyeni tsezifo, nkyerekyere a otsim ho daa. Nkɔmhyenyi Krɔnkrɔn (nnn) n'ahobrase na no do mu no, ɔbeyɛ Nyankopon N'asem no onyafɔ na Ɔdomankoma kan abow no wobɛbue ama wo.

Ber a ɔrekyere nkitahodzi ɔwɔ Islam ne mudzi na Ɔdomankoma nyimdzii no, Anohoba Messiah (nn) kaa de Nyankopon ada no edzi de Nyimdzii na wɔnam do hu am ne pisi. Akwan pii na wɔnam do hu Islam ne pisi, mfatoho nye akwankyen na asɔrye na Ɔdomankoma ne mbransem nyinara a ɔboa aha esia. Mbom Nyankopon ne keseyɛ ho nyimdzii na nyimdzii a ɔfa no korye ho no ogyina Nyankopon ne Nyimdzii a yewɔ no wɔ ne

nsenkeredze na nyimdzi a ɔwɔ N'abɔdzin ho; na iynom na akwan a yedze hu Nyankopɔn de ɔye Ne nokwar de yegye no tomu. Ɖbeye den beye de nyimpa a onnyi n'enyi nnyi adze do no eso onnyi Ɖdomankoma nyimdzii botum aye salat awaaso ɔafa akwankyer anoaso ɔasom anaaso ɔaye adɔye. iynom nyina ara gyina Ɖdomankoma nyimdzii do na dza aka nyina ara hyehye mu. Ɖdomankoma nyimdzii bɔbɔ adze wɔ ber a Ɖdomankoma N'adom dzi adontsee wɔmu na nnye ndzeyɛpa ne nyee anaaso asɔrye anaase ayemuyie. Ɖnam setsie do na hen nsa ka iyi. Ekyir yi dem nyimdzii wɔtre mu na wɔdze

Mpaebɔ ye ogya bi a ɔhyew bɔn na ɔtwe nyimpa kɔ Nyankopɔn N'ehumbɔbɔr ho, ɔye owu bi a ɔma nkwa ɔye nsu yirii bi a ɔdan nsuhyen na osiesie biribiara ako kyer na ɔdan b3n biara y no edur.

Anohoba Mesia (ANN) no kasa faa siantsir a obi ye bɔn na ɔse akokodur a wɔdze ye bɔn gyina de akoma no nsuro Nyankopɔn na obi besi den enya Nyamesuro? Sunsum mu nyimdzii dzi mu akotsen dodow na obi nya sunsum mu nyimdzii no dodow no na osuro Nyame. Se obi nya biribi ho nyimdzii a se ɔye ntonton mua osuro na oyi no akwa na, na ebenadze na ɔye ɔdasanyi de onya akokodur bu Nyankopɔn ne mbrasem do? Nyankopɔn ye Otumfo kese, ohu biribiara, Onyim biribiara, Ɖye ɔsor na asaase Wura. Nyimpa no pii dze ano fanfa ka de wɔgye Nyame dzi naaso wɔnngye no nndzi, se woridzi wiadzesem a hɔn were fir de Nyankopɔn ye Okokroko na hɔn were fir N'ebufuwhyew. Iyi ntsi na ohia de hom sre bɔn ho nyimdzii na hom dua mpaebɔ na asɔrye do, obiara nnkotum enya gyedzi a osi pi gyede ɔnam mpaebɔ do.

Ɖfano nyimdzii ho no Anohoba Mesia (ANN) no aka de nyimpa botum eyi bɔn akwa na woenya Nyankopɔn no hɔ dɔ a gyede Nyankopɔn adom no nyimdzii a ofir Nyankopɔn noara Ne nkyen, na wɔama no ahɔɔden so aka ho. Ɖye nokwar de osuro na ɔɔ nyinara gyina nyimdzii do na iynom nyinara gyede ogir Nyankopɔn hɔ ansaana wɔaye mfaso ama obi. Nyankopɔn hɔ nyimdzii ma nyimdzii noho tsew na ɔhyeren na oyi nkataso nyinara fir hɔ ma ɔde Odomankoma na nyimpa ntamu dɔ soronko ba. Ne nyinara gyina Nyankopɔn N'adom do na oyi nyimpadua no ma fi nyinara a ɔma ɔye bɔn no fir hɔ na obue abobow a ɔdze Nyame N'adom na ɔma ɔkra no ahɔɔden na ɔtwe ɔkra no fir bɔn nsɔhwe mu, na oyi no fir akɔnɔbɔn mu nye honam akɔnɔ nyinara mu. Iyi na ɔdze nsesa ba ma ofir adwen bɔn ho na dza odzi kan nye de onya asɔrye ho nyimdzii na ɔma ɔye Salaat . Obi ne nsa beka iyi wɔ aber a ɔbetse ase de ɔye owu de ebɔtwe woho efir Nyankopɔn nkyen na hom were mmfir de hom benyi bɔn akwa na hom mbɔ ho mpaa na ɔntwe no ho fir nhyiemu ahorow a ɔtwetwe kɔ bɔn ho na onhu de orunntum ntwe noho mmfir dza Nyankopɔn ahyehye ama nyimpa dasanyi de onnyi Nyankopɔn ne mboa a.

Huzuur se mber yi fakuwb3 kakraabi no ɔntwe nyimpa nnkɔ bɔnm ho, se ɔye no nte de ɔye ..... Efir anaa abɛɛfor ntanet efir (facebook) iynom twetwe kɔ bɔnho. Facebook ahoma beye 600,000 na woetwamu osiande wɔdze ɔhaw pii nam.

Anohoba Mesia kaa de nyimpa tum bɔ noho ban fir bɔnho wɔ aber a ne gyedzi wɔ Nyankopɔn mu esi pi, nokwar de wiadze yi botae kese nye de benya banbɔ efir bɔnho. Hom nhwe de mbre abofra enyi bi gye aboatsena ho osiande n'enyi gye ɔwɔ no ho naaso obi a onyim de se ɔwɔ no ka no a oboeu no nnkɔkɔ ne nkyen mpo. Ofie mpo a aboatsena abahyen mu no nyimpa no nkɔpe de ɔkɔ hɔ, dem ara saso na se obi nyim de bɔr bi kum a ɔrennom da.

Ebenadze ntsi na nyimpa nnyi nyimdzii a otu bɔn ase, ɔye den ye na obi tum nya akokodur ye bɔn, dem ntsease yi mmba gyede obi wo ntsease na nyimdzii mapa. Se obi enntum anntse iyinom ase a na ɔkyere de Nyame mpa ngu de na Islam som ennya ne botaekɔsɔkɔsɔ naaso meka kyere hom de ɔntse dem ara da. Onam Islam som nkotsee do na yebotum enya dem gyinabew yin a ne kwan ara nye de yenam Nyankopɔn ne nsem do, osiande iyi na ɔma gyedzi si pi mapa wo ɔbɔadze no mu. Dem adze yi na yenam do bohu de Nyankopɔn kyir bɔn na ɔtwe bɔn ho aso do. Bɔn ye bɔr, ahyease no ɔnnye hu na n'ewie no ɔye owu, na n'ewie no oyi gyedzi fir ho koraa koraa. (

Anohoba Mesia (ANN) rekyere Kor'an kyefa yi "kyere hen ɔkwan tsenenee no, hɔn a wo nhyira wo hɔn do no kwan no a ɔkaa de, "iyi nye mpaa a wɔakyere hen de yembɔ wo hen daadaa asɔrye mu no. se dem a eben adze ntsi na obi fir Islamsom mu na ɔhwer dem nhyira yi? Nyhira yi ye Akɔmhyefo hɔn nhyira a wɔaka no sura Fatiha mu no, ampara de nhyira a wɔdze maa akɔmhyefo no na ɔmaa hɔn nyimdzii kodur gyedzi gyinabew ma wɔnye Nyankopɔn kasaa na ɔdze hɔn kɔhuu Nyankopɔn. na mpaabɔ yi ho mfaso nye de ɔdze hen kodur dem nyhira yi ho.

Binom hɔn ntsease nye de mpaabɔ yi ase nye de O! Nyankopɔn boa hen ma yentum nsom wo de mbre W'enyi beba hen ho, de yebeye dzaa oye nyinara gyina nyimdzii do, akoma biara so a onnya Nyankopɔn ho nyimdzii biara so nnya gyedzi na onntum nnye tsenenee. Akoma a Nyankopɔn ho nyimdzii wo no mu na onya Nyankopɔn ho do tse de mbre wiadze yi mu so tse no ara, biribi ho nyimdzii na ɔdze suro ana ɔdo ba, se ɔsebo gyina sumu mu wo wo nkyen mpo na se ennhu de ɔye sebo na wɔadwen ye wo de ɔye oguan a nnkonya suro biara, na se ehu de ɔye sebo a boguan ntsempa no ara wo hu ntsi. Dem ara na se ihu denkyembo wo aban mu na se innyim nobo a ɔsom a ɔnnkohia wo kansa ɔsombo sika mpempem mpo ana se enya ho de ɔye denkyembo a ɔno beper akɔfa. Iyi kyere de ɔdo na suro nyinara gyina nyimdzii do, nyimpa biara remmfa ne nsa nhye tu bi a onyim de aboatsena a ɔwo bɔr a n'ano ye dzen hye mu. Dem ara na ohu fie bi a wɔdze egyapadze kese bi ahye famu wo ho a ɔnnkɔdan fie no egya de mbre suro na ɔdo gyina nyimdzii do no. dem ara na se obi ennya Nyankopɔn ho nyimdzii yie a ɔnnkotum adan noho akɔ Nyankopɔn ho yie.

Odzikan nye de bohu de ɔtsease na bohu de N'abodzin ahorow a ɔda no edzi, se obi ennya dem nyimdzii yi a obesi den nye Nyankopɔn edzi nkitaho ma woehu de Nyankopɔn wo nyimdzii a osi pi na ohu biribiara, ɔye Otumfo na ɔye dzaa ɔpe nyinara. Dem ntsi nyhira mapa a ɔma gyedzi tu kafo nye de obi nye Nyankopɔn benya nkitaho na ma odzikan nye de obohu Nyankopɔn na woehu Ne tum ahorow nyinara, iyi na nyimpa tum dua do hu Nyankopɔn Ne tum. Iyi nye nhyira a Nyankopɔn dze maa akɔmhyefo no na Wɔakyere Muslimkuw mba yi de hom nhwehwe dem nhyira yi.

Nyankopɔn aka de hom nhwehwe dem nhyira yin a medze bema nom. Iyi kyere de obiara a n'akoma hwehwe dem nhyira yi ne nsa beka. Anohoba Mesia (ANN) kaa de papaye na beyi bɔn akwa nyinar gyina de obi bohu Nyankopɔn na iyi ara so na oyi honam akɔnɔ bɔn nyinara fir ho, ɔnye de bohu Nyankopɔn. ɔkaa kyere hen de Nyankopɔn bi wo ho a ɔye Otumfo mapa na afei N'asotwe so ye dzen. Iyi nye kandzea a ɔto akoma do de kandzea se nyimpa ennfir gyedzi do ammba nyimdzii do a onnkotum enya bambɔ efir bɔn ho, se obi hu aboatsena a ɔwo bɔr a ɔno obiara nnyi ho a ɔdze ne nsa behye n'ano mu mpo dua a wɔdze

eku aboatsena no nyimpa no nnkɔpɛ dɛ ɔbɔkɔ ho bia na bɔrno bi aka dua n'ano, anaa sɛ obi hu dɛ sebɔ bi wɔ kwaa bi mu aɔrennkɔ hɔ da.

Nyankopɔn mmoa hen ma yenye bibiara wɔ hen mu na ɔmma yemfa nkɔ nyɛdo na ɔmma hen sumsum nyimdzi no ho dɔ kyɛn hen akoma mu, na ɔmma hen nyimdzi a, ɔbɛkyɛn bɔne nyinara afir hen mu. Ekyir no Huzoor de too dwa dɛ ɔbɛyɛ afunsie asɔre ama Owura Abdus-Subhan Manan Din Sahib a ɔfir mu wɔ ndeda ara onyaa mfe 72 na ɔyɛ Ahmadiyyafo adikanfo no nokor wɔ London ahenkro yi mu, ɔbaa ha afe 1945 ɔsom Amanaat dwumakuo no na ɔyɛ adwuma wɔ Jalsa Salana asoe wɔ nfe 30, na ɔyɛ Naasiru Deen n'busuanyi. Sɛ woenfir ayedze ho annkɔ ... dzee ho a ɔrenntum ennfir bɔn ho, nokor ho dɔ nye dɛ yennkɔntum bɔn ho ayedɛɛ ɔnam.

Nyankopɔn no ho nyimdze dɔ ansaana woenya bɔn ho suro yɛhunu dabiara dɛ nyimpa guan fir dzaa ɔsuro ho, ... ayedzi wɔ no bɔn nntenahɔ.

Anohoba Messia aka dɛɛ mma obiara mnper noho nkɔ Nyankopɔn hɔ ɔsiandɛ sɛ obi annfa ayedzi na nokwar ammbɔ mpaa ɔno wonngye mpaa no nnto mu, na som bi tsena no mu, no mu na sɛ obi tu ananmon pin Nyankopɔn N'nkyɛn a ɔno nso hyia no nso ntɛntɛm na ɔhia dɛ dzika tu anamom, ɔyɛ nsem ho dɛ obi ɔbɛhwɛhwɛ biribi afir Nyankopɔn ho wɔ brɛ a ɔnntu anamon biara ɔyɛ Nyankopɔn Nesu dɛ ɔdasanyi dzinkan tu anamon ansaana woayɛ biribi adzi akyir. Mbofra mpo wɔ dzaa sosuro sɛ wɔka kyɛrɛ hɔn anaa wɔtse ase dɛ ɔyɛ hu a wosuro. gyedɛ Nyankopɔn ho nyimdzii nye bɔn ne bɔr hyɛ nyimpa no mu ma ansaana woenya nkwayɛ ɔno kansa ɔyɛ akɔnfo wu anaa afɔrbɔ mu mpo a ɔnnkotum agye obi nkwa anaa onnkum obi ne bɔn sunsum a ɔtse no mu. Hom nhu dɛ bɔn ne sunsum a ɔtse no mu, hom nhu dɛ bɔn n'edziban na akɔnɔbɔn n'esutsen nnkotum efir edzi gyedɛ gyedzi mapa abɛhyɛ anan mu. Sɛ obi ka dɛ ogyedzi dɛ Nyankopɔn wɔhɔ na ɔtwe bɔn aso naaso bɔn ntum mfir no do a ɔno meka dɛ ɔnnye nokwar ɔyɛ ɔkra ndaadaa. ɔtan kese da gyedzi mapa na bɔn ntamu gyedɛ nyimpa no nya gyedzi dɛ Nyankopɔn bi wɔ hɔ a N'ebufuwhyew sian dɛ enyimnyam gyedɛ nyimpa no nya dem ntsease yi ɔno onnkotum eyi bɔn akwa.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Mr. Rasheed Possible Essuman Sahib  
(Second Year Student, Jamiatul Mubashireen, Ghana)  
4. Hafiz Naseem Ahmad Nyame Sahib  
(First Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Contact: [www.jamiatulmubashireen.org/contact-us](http://www.jamiatulmubashireen.org/contact-us)